

南平縣志卷之十八

仙釋

二氏之書儒者闢佛最力而不諱言道道言無死釋言無生宇宙日逐逐於富貴利達之場趨之若鶩二氏窺其終局而淡然漠然以虛無寂滅爲尙亦醒世也云爾道言保身近於楊佛言救人近於墨其仁義之岐趨耶夫二氏之祖彼亦造乎其極矣今之佛道非佛道也琳壇寶刹踏駁者爲逋逃藪姑存之而不廢亦謂養無用

南平縣誌

卷之十八

仙釋

一

之用故耳其別有身列章縫高言性命得其圭旨而精氣神胥融焉固亦有能不朽者更有文人乖遇羈迹慧門一詠一歌飄飄乎有凌雲氣特標於簡以見如某某之寄於方外者乃不愧所居也志仙釋

仙釋

漢

梅福

梅福字子真九江壽春人初為南昌尉後棄妻子

煉丹往來衍山中玉華洞自稱九江道人丹成

上昇因號其村為梅岐里屬芹哨鄉考漢書梅

又莽專後政福有一朝棄妻子去九江至今傳以為門

卒未嘗道及必衍山事或省志漢書畧而不詳寧抑有延

建安里有人梅因岐東其姓名厥四里曰蓋壤相接也舊隸

南平縣誌

卷之十八

仙釋

二

晉

衍客

衍客避亂隱郡之北山結廬煉丹丹成舉家上昇

宋

楊維 上官道人 張聲

蕭法明

楊維字耕常其母陳氏年五十有六未有子忽遇

異人授丹一粒吞之夜夢大星入懷覺而有娠

維生七歲始能言長而好弄不事家人產學道

□□□□□□□□□□□□□□□□取有驗淳祐
四□□□□□□□□□□□□□□舊條然而逝有
自臨□□有遇維於途寄蒲扇布履各一遺其
女兄計其遇時即逝日也啟棺視之惟隻履在
始悟其尸解家人以扇履置于棺瘞興化寺前
號清隱妙濟披雲真人建祠墓側肖像祀之
上官道人得辟穀煉氣之術一日偈云處世紅塵
五十八混世獨存今始歿時人若問吾歸處掃
盡雲霞一輪月遂卒後有戍卒於廣西見之

南平縣誌

卷之十八

仙釋

三

張聲字鳴道通易象辟穀煉氣得養生法宣和間
人遊延平結廬溪源山有范氏子從之夜忽有
客叩門知爲異人拜求道術客取二丹遺范以
飼之自是絕烟火食一日往郡西花心洞留一
頌于舟躍入水識者謂爲水解云

蕭法明嘉熙間頭陀卓錫溪源菴嘗伏毒龍於井
中收妖魔於石洞勅□溪源顯迹德雲靈應蕭
公大師至今遺跡猶存遇旱禱雨及祈嗣祈夢
率多驗

明

陳本潤 僧能持

陳本潤自號清心正德間提點元妙觀遇異人授以秘術能叱咤風雷時大旱知府孫衍令祈雨輒應歷年八十鶴髮童顏不出關五十餘年辛亥正月忽謂衆曰我擇三日脫去矣口占留別云八十二年清我心不妨白髮日相侵而今得入無爲境片月長空今古心端坐而逝

僧能持幼穎悟稍長遍遊名山以探禪學有得而

南平縣誌

卷之十八

仙釋

四

歸結菴松關日談內典著天印語錄徹空內集洞雲外集黃檗心要年四十餘足不出關至八十一將示寂集寺衆曰吾寂三年後某日有星自東而西葬吾時也僧徒置龕草堂三年蠅蚋不侵並無穢氣至其日衆曰曩云星過殆虛語耶言未畢有星大如斗自東而西遂葬之號曰天印禪師

南平□□□之十

流寓

浮生若寄也流寓則其寄之寄矣天地逆旅光陰過客安在其非寓耶莊生寓言則又言之寓者也古今皆寓而傳者寥寥一邑之中古今寓焉者殆百千人而傳者亦未數數寓又以人傳耶夫遠適異國昔人所悲處士周遊井里出入晉接非其僚友卽其戚族言語通嗜慾同宜其適之甚也至於跋涉關山飄浮萍梗寒暑遷而燥濕不安其性交遊少而甘苦不伸於詞堙鬱旣積慨詠滋廣或乃避亂而訪古洞掛冠而覓深山終翹邦族之復別偵林壑之勝因之締八能而賦高結三益而講奧歌呼臯牢乎陵京意氣彌綸乎阮澤偶逢人而規善頻招士以論經芝蘭化久杞梓培多寓也而安名以不朽矣遂乃論次世代考厥顛末爲之傳志流寓

流寓

唐

范元超

范元超字仲達節度使希朝之子咸通八年進士官至御史中丞天復中避朱全忠亂寓劍州卒

子高天祐間典務
尤溪乃定居小田

後唐

李存禮

李存禮莊宗母弟同光三年封王國於薛尋值郭

南平縣誌

卷之十八

流寓

二

從謙亂匿走他國道延平樂山水之佳而留焉廬于小洛坑口病且革罄囊金以賑貧乏因出所授誥書示人人始知之

宋

范機

范機字純之其先幽州人後徙延平乾道初任甌寧簿歷福州懷安丞嘗爲梁文靖趙忠定所器及二公爲相機以謁選至都足不一到其門仕終湖口總領所幹辦公事邃易學工詩歌開禧

爲葬於積翠巖

朱益采字觀以浙之山陰人以副榜貢生至京廷試卽輿櫬疏劾權閹莊烈帝嘉其鯁直欲授以風憲之職當軸者徇例抑補外官歷按察司僉事國變棄職入延平屢薦不起以醫自晦有到處堂文集二十二卷

國朝

黃毅 林定徵 羅圻彥

毛念恃

南平縣誌

卷之十八

流寓

四

黃毅莆田人由舉人任永安諭誨諸生一本孝弟忠信每過鄧栢欄林三泉羅文止諸祠輒灑酒賦詩留連若有宿契後補漳平諭因家瀕海避亂寓延平卒

林定徵字景人長樂人弱冠補弟子員試輒高等後寓延平年旣邁偶於友人處獲金正希文日夜披誦家人戒其過勞曰吾方晤對正人何言勞也就寢而卒著有尊心堂遺稿

羅圻彥閩縣人以恩貢授新會訓導在任鄉試中

順治甲午廣東舉人知安福縣廉介自持以漕
運愆期解組歸寓南平飲酒賦詩安貧自適人
服其高致

毛念恃號勅五武進人甲子副榜崇禎末隨弟協
恭宦閩值鼎革任郡教授居官十載坦蕩溫雅
士有緩急傾囊不吝學使者或有督責輒爲排
解丁亥戊子以來閩中甫安戢學校彬彬推延
庠爲最卯辰科後科名鵲起念恃獎掖之功居
多歷署順昌將樂三邑篆以廉能稱季子仲孫
占籍南邑因寓焉著有四書講義孝經註小學
訓解四賢年譜諸刻祀名宦